

docriver 文川网
古籍书城
入驻商家
在文川网搜索古籍书城 获取更多电子书

福建府縣志輯

中國地方志集成

乾隆龍溪縣志

乾隆海澄縣志

民國雲霄縣志

中國地方志集成

福建府縣志輯③⑩

民國雲霄縣志

乾隆海澄縣志

乾隆龍溪縣志

上海書店 ● 巴蜀書社 ● 江蘇古籍出版社

圖書在版編目(CIP)數據

中國地方志集成·福建府縣志輯. 30, 乾隆龍溪縣志、
乾隆海澄縣志、民國雲霄縣志 / 上海書店出版社編.
上海: 上海書店出版社, 2000. 10
ISBN 7-80622-424-6

I. 中... II. 上... III. ①地方志-中國②地方志-
福建-龍溪縣③地方志-福建-海澄縣④地方志-福建-雲
霄縣 IV. K29

中國版本圖書館CIP數據核字 (2000)第 27741 號

docsriver 文川网
入驻商家 古籍书城

在文川网搜索古籍书城 获取更多电子书

序

有邑必有志所以記風俗之汚隆民情之得失政治人物之盛衰凡百脩為悉載於此其關係乎世道人心者非淺鮮矣龍溪為漳附郭邑自承紫陽過化理學名臣前後接踵且就其小者言之如婦女出門有文公斗文公文公履文公杖者誠海濱鄒魯也迨甲子年兵燹

龍溪縣志

序

以後村愚婦女街市往來或露面不蔽者余曰此事雖小所防甚大故諄諄示禁以期復古之風然教澤未泯者先正之型也文獻無徵者有司之責也溪係七邑首領地方遼濶政事殷煩舊志無存將何以考汚隆鑒得失而察盛衰若乎予自履任之初即留心採訪無如求之愈切得之愈難蓋自匪擾以還而散

供殆盡矣數月後適逢試期諸生雲集予乃廣為示諭有范生登雲者携得乾隆壬午所脩以獻帙多破碎續又得鄭生圭海搜覓一部彙成全書皆前令吳樾菴先生手輯也去今百有二十載板悉被燬恐遲之又久斷簡殘編盡歸寥落亟召手民重鐫焉因思此百二十載後風俗民情政治人物不無或異則守

龍溪縣志

序

斯土者又不可不知也爰商吳君聯薰施君開昌吳君金榜鄭生圭海魏生森林魏生新德網羅舊聞為之分類增補另編二卷附末以俟後之君子採擇而重脩之是予所深望也茲因奉調銀同命下之日匆匆卸篆謹綴數語併裝書之

光緒五年歲次己卯長至日龍溪縣令荆南八十四譔

序

均之為吏詢簿領則地誦訓故則精此優於
學而短於才者也徵前修則愚問案牘則智
此習於事而荒於古者也夫用武一切以文
守之道猶未盡矧全不留意乎余蒞漳四年
徵屬邑文獻有缺有具數與溪大令吳樾卷
商榷其故蓋誌乘之作上察疾苦下備蒐羅

龍溪縣志

序

二

譬農有書焉耘鋤芟播可按時布也工有譜
焉精勤良窳可時籍求也雖然難言芝矣為
邑之道簿書期會錢穀訟獄遁逃一人之身
千考成者常一日備况濱海附郭版圖數圻
則分并難詳戶口叢雜則客主易亂屢更兵
燹而載籍無徵漸遠老成則聞見多舛加以
後學拘墟異將聚訟衆心有主同或隨聲為

吏者官非南董事殊筆削欲以饜人情存古

道思其蹟也雖然亦願為之何如耳衷裁臆

決義無所考事病於斷瞻徇卻顧一無所就

義傷於懦耽思旁訊依情切理事協於中君

家陽湖鄉先進顧太初高忠憲講學遺風身

被其澤自尤令移宰龍溪文章政事卓有風

概其緝溪誌也不虛美不匿善不循故轍不

龍溪縣志

序

二

矜新裁澄心易氣熟討精思務求其當後已
蓋人之所難君之所易自萬歷舊誌及

本朝丁酉重脩躋駁未善者發凡起例不數月

煥然改觀洵經術吏治兼長之君子歟夫強

以教之忱以安之競練互用之術也宜之以

時進之以古本末相引之端也漳為風節區

而溪首七屬君子勗正小人質直談風烈者

莫不誦述徽國稱引安卿以今準古豈時既遠而澤漸湮歟翼而起之端在余輩有政事之責者年未思蒐討掌故合七屬提晰其條貫網維脩訓型之具卒平未暇去歲澄令安陽王君成澄誌喜有其端今吳君又成斯誌予以勤宣德意釐正風俗溥

聖朝之雅化留海國之先型異日或得所藉手

龍溪縣志

序

三

乎會君謂余當有序廼備列斯事之所難及余志之未逮者冠其首若夫筆墨馳騁文章瞻逸君宿學高科優為之不庸贅矣

乾隆壬午仲冬穀旦

賜進士出身知漳州府事前翰林院檢討金竹

蔣允焄序



龍溪縣志序

龍溪自蕭梁建邑稱名最古大江南旋羣山北顧提封四接壤圻交錯地當閩海與區夙稱難治我

朝

聖相承湛恩汪濊洋溢邊隅凡我蒸黎胥

龍溪縣志

序

安樂利陽湖吳君作宰是邦越今三載奉宣

德意以致民和政事之暇復留心於建置沿革之由山川民物之盛風土人情之故廼與邑之士大夫訂舊圖新謀脩邑志既歲事錄稿於余兼請為序

余緒閱數暹不禁慨然有感也昔

先大夫以康熙丁丑進士出宰是邑

發奸摘伏撫字催科規畫經營拳拳

匪懈余時當幼穉雖得偕伯仲隨侍

官齋而凡所見閱罔窺萬一及解組

歸田溪人士於逾年後裁踐集腋授

龍溪縣志

序

二

梓相貽曰愛棠集余既長檢而讀之

於以知遺愛在民洵不能忘也昨歲

恭膺

簡命陳臬於茲側聞邑中父老尙有能述

先大夫治行者曩所脩舉如響水橋

日照巖等諸遺跡迄今垂六十年猶

耳目而稱道之遠觀新志當日之實

心實政得與魏線諸公共徵不朽追

維疇昔展卷流連固感慨係之矣至

於邑志之脩溯自大同而後千有餘

載紀乘邈焉泊江君梅銘據前代府

志中分紀二冊推考成書凡十二卷

龍溪縣志

序

三

邑有專志於是乎始吳君更加脩輯

考核蒐羅補遺正舛天時地利典祀

兵戎以逮人物寓賢文辭故實上下

古今釐然大備卷倍於前書不繁重

良史才也舊志不另編名宦并載列

女於方伎仙釋之後昔班孟堅爲循

吏列女立傳凡以風示來茲敦崇教化耳吳君彰微闡幽表揚閭里又從故老之所傳聞婦孺之所景慕皆置專門以相興起見誠偉哉余自蒞閩以來屬邑之因革興除亦嘗廣詢周諮具知大略惟是夙夜冰兢務期平

龍溪縣志

序

四

允冀以上報

聖恩下承 先訓曩時之教忠教孝如在

目前語曰前事之不忘後事之師也

吳君勉旃余益知所率循已是為序

皆

乾隆二十七年壬午冬月

賜進士出身通議大夫署理福建布政使

事按察使司按察使加三級新建曹

繩柱撰



溪縣志

序

五

五

序

嘗聞域中有三大權而史官居一焉
邑之志即邑之史也志願不重哉龍
溪自大同置邑始列職方迄朱子典
牧是邦文教漸摩名儒輩出俗蒸蒸
向上數百年而未有改矣余於癸酉

龍溪縣志 序

歲奉

命觀察汀漳龍三州駐節於斯即嘗按其
圖籍質以所見所聞有不醇不備之
憾思欲搜羅散失勒成一書而有志
未逮也後以量移臺灣越三年秩滿
天子以余熟悉海疆復

命泣斯土適邑令陽湖吳君有脩志之役

余喜不自勝蓋溪故有志殘缺已久
時事遞更非討論而纂輯之不可茲
變舊例之十二卷今為二十四卷釐
其舛錯增其未備凡有關於天時人
事有裨於國計民生者無不眉列而

龍溪縣志 序

於忠孝節義之流與宦遊之跡流寓
之賢及仙釋藝術之末尤犁然畢具
此非但一方之紀乘抑亦謀國者之
所必稽典金匱石室者之所必采也
吳君有史才評論古今人物是非成
敗瞭然如在目前縣志之脩寔有移

風易俗之意焉余故樂為述而序之
俾後之宰斯邑者撫是編也著計燭
照得免捺刀製錦之譽而生於是邦
者企慕深風君子小人皆學道自泐
以相與有成是余之所厚望也夫亦
吳君之所厚望也夫

龍溪縣志

序

三

昔乾隆壬午歲仲冬之月

特授福建分巡海防汀漳龍等處地方道
仍帶卓異俸滿即陞加四級紀錄七
次甘泉楊景素撰



重脩志書叙

國家守土之官曰知縣者知一縣之事也願循
其名則易而核其實則難蓋一縣之山川土
田戶口錢穀祭祀兵戎人心風俗之大與夫
一名一物之纖且悉無一非其所當知而知
之顧有難焉者或以一官為傳舍而不求知
或疲神埋照于簿書期會之中而有所不暇
知或地當衝要日奔馳于道路風塵自等于

龍溪縣志

序

一

鈴下馬走以為容悅而視此數者以為不必
知又或以吹毛析髮為明務察察于閭簷七
箸之細婦姑勃諍之微而於其大者反茫然
而不能知若是者皆謂之不知不知則尸位
而已矣曠職而已矣夫于山海而知其遠近
更程至問其阨塞形勢之何者宜屯何者宜
守而不知是記里之鼓也于農田水利而知
其則例尋丈至問其沃瘠之異其植方濬之

殊其施而不知是里魁之簿也且于春秋祭祀而知禮之儀數於度支散給而知兵之伍符至其精意所存爲承祀詰戎之大綱紀者而不知是巫祝之司尺籍之記也且夫事而不綜古今之沿革原委而考其所以廢興成敗之由則其知之猶有未盡亦無以善其厝注而底于績之成執古以泥今則刻舟而求劍也師今而戾古則膠柱而鼓瑟也余泣邑

龍溪縣志

序

二

三載于茲自揣情然一無所知適邑之縉紳先生以纂脩縣乘請不禁忻然曰是卽余所以求知之方也三載以來夙夜殫心求一事之知而不得而或者于編摩之下庶幾乎知之乃延諸紳士分隅廂都里廣爲採訪彙送志局州次部居余于案牘勾稽之暇一燈熒熒手自釐訂求知乎闕塞鴻鎮之所由險固民數賦額之所由登耗人心風俗之所由漓

樓臺衰

國家大經大法之所以盡善而維于不做聞有一得則稍泰末論蓋卽以所知者垂之志也其採之史籍及學士大夫故老之所傳聞而編之成帙蓋卽以所志者益其知也既歲事衆成慶一方之堂故于是乎成而不知余之惴惴于習焉而不知者且自茲而方始也唐李吉甫作元和郡國志謂執此可以善治余

龍溪縣志

序

三

不敢謂脩今日之志卽可以治今日之縣或藉此而稍有所知焉其可矣爰書于簡端以自策云 峕
乾隆歲次壬午冬月龍溪縣令陽湖吳宜燮
敬書



脩志凡例

縣志脩於康熙五十六年其志叙歷數宋明諸郡志而云龍溪附府以見是邑前此無專志也相傳線公應錄為令時曾纂脩未竣事而去叙不齒及是其稿本亦久不傳舊志既無所祖述又二閱月而告歲事其疎漏紕繆宜矣茲編溯源正史旁資羣籍以及碑版之所篆刻父老之所傳聞廣為搜羅詳為考核增舊志十之四而正其舛訛者十之二復稍加刪潤庶幾不蕪不遺

一范淳作唐鑑多所論斷程明道善之志亦史例也但龍溪縣志卷之 凡例 一

才非三長不敢妄持已臆閉附按語不過以辨疑正訛即或有所指陳亦期折衷以歸於當非敢故為辯論攻訐前人

一建置沿革星野舊志統附疆域部夫分星分土猶可聯類彙書若建置則一邑之所肇開制最先而典尤鉅不可紊也茲為首臚於卷端而歷代之隸屬裁折加詳焉星野亦另為一門詳加考訂與前志微有異同

一疆域初析於唐屢析於元明四隅八至非復啓疆之舊其中都圖之分併更易街市之寥落繁華次第

編期於有條有理

一山有主從脈絡川有支派源流如人身之有骨血部位也舊志東窳西抹都無倫次茲就一邑之形勢而次第聯絡之要使閱者如身歷其中而指顧可得開有勝概名區亦詳為標識焉若以雲烟風月強屬之某水某山如俗所云十景八景者正恐涸浣失真反沒流峙本色不載可也

一溝封既奠營建乃興以固圉則有城以出治則有署倉以儲軍民之食而驛舖以供使客郵遞之往來彙而編之而在官之規制乃備

龍溪縣志卷之 凡例 二

一學校為尊教右文重典一應儀禮及兩廡從祀諸賢理宜備書書院社學亦樂育英才地故以類附焉一坊表以旌善誦之寵命樹厥風聲事若甚微而典則甚鉅義宜特書不得附見別類

一賦役為度支正供之所從出戶口庸調之所由稽宋元勝國因事橫征論者有積重難返之疑矣

興朝聖聖相承

恩膏登沛除徭額減徵輸累代稅政一切剷除民被澤至深且渥不詳為記載何以導揚 盛美而昭示來茲茲為總序一為考三而丁數賦額次第而觀縷之

鹽政亦賦之一端也故附列於後

一水利為民食所關其疏鑿建築之年代姓氏廣袤丈畝及夫毗阡接壤官為均分其利者皆詳書之以表惠以防侵以息爭止訟也若津梁亦利民一事例得類及

一舊志不立郵政一門而以善濟院義塚併入規制非體矣我

國家厚澤深仁雖天末亦屢霑被珥筆而恭紀之亦守土微臣職也

一壇廟之設典禮所垂閒有一二特祠亦本名宦鄉賢

龍溪縣志

卷之

凡例

三

祠之義而別為俎豆之者非淫黷之祀之所得比也他若叢祠古廟名雖不經而捍災禦患時著神麻編入古蹟使靈貺不沒焉可耳

一邑之軍制做於唐備於宋而大壞於明我

朝易衛軍為召募而制遂盡善為次第編比之又詳其

成敗得失之故著於篇其郡城武職官兼轄各縣舊

志不載道府大員而載衛所鎮守諸官體裁不一茲

留以俟郡乘之排纂非一邑之志所得私

一風俗與時推移執古泥今未免刻舟求劍茲就耳目

所聽聞參以舊志記載滙為一篇以備翰軒之採

一藝志於古蹟一類強分部次勢必同一勝地而樓臺

池館割裂紛紜夫古人紀事亦有參錯成文者正不必多為畛域也其中水石巖洞改歸山川書院改歸

學校湖堰改歸水利稍為釐訂庶幾有條不紊

一職官記縣令以下考舊志及各省附郭諸縣志皆同

若取統轄大員而并錄之私且褻矣非縣志體也其名宦依舊志間採輿論而增益之不敢濫及至武職

可紀述者亦依舊志作武臣傳另入軍制

一舊志於選舉最為闕畧蓋邑之專乘憑郡志為稿本而郡志復歷百餘年乃脩不能純備兼之兵燹殘破

之餘故籍灰燼或佚其仕宦或僉佚其姓氏茲廣為

搜羅其見之故譜牒墓志及故老所傳聞確有可徵

者亦為補輯若明副榜不准貢武舉會試不中式者

仍赴鄉闈故舊志不載非畧也茲篇仍舊不敢妄增

一人物舊志分類太繁茲取而約之曰名臣首輪扉及

侍從清要蔚為國楨也曰宦績紀循卓也曰理學曰

儒林尊正教也曰忠烈曰孝友曰敦行崇本也曰文苑立言亦不朽盛事也曰隱逸清風高節不可沒也若藝術不可言人物以類附之而已邑僻處南荒非輪蹄輻輳地故寓賢亦寥寥焉其各傳依舊志而增

龍溪縣志

卷之

凡例

四

益之採之史籍詢之物論惟期傳信豈敢逞私又人見存者不立傳亦史例也

一邑俗廉勁婦女亦剛正自持夫死率以節著中得旌者十之一耳其視為固然不求表異與限於力而不能上達者比比也茲取已旌節孝與未旌而苦節可紀以及烈婦貞女正氣凜然者為傳以表之未立傳者附姓名於後若名媛已載舊志仍存之餘則寧闕毋濫

一二氏之教閒有傳人鹿女踏花壺公賣藥事則甚詭而語復不經舊志附載人物非其倫矣茲另為編比

龍溪縣志

卷之

此例

五

亦外之之意也

一物產詳土之所宜以前民用也而機絲所出絨緞諸品其華已甚為政者觀乎此亦可以知其好尚而為之防矣

一史有五行志此各志機祥之權輿也冠亂特變異之

一端故附及之

一志例有雜記一類蓋前人遺言軼事無所附麗而又可資考証者亦博雅之君子所不遺也茲於舊志微有增刪要期歸於雅馴庶不等齊諧諾臯之徒供塵柄已也

一藝文首載書目倣班固志例也文必有關於邑之風土政治其原委井然可備稽考者乃登之蓋不惟其文惟其事也若詩賦雖切於山川景物非佳篇及人已故者不收

一是篇刪繁舉要類聚部居雖腹儉者難為華質固者難為通然紀事必職其詳考古惟期乎核庶幾信而可徵毋使華而不實

龍溪縣志

卷之

凡例

六

倚志姓氏

總裁

分巡海防汀漳龍等處地方道楊景素 甘泉

鑒定

漳州府知府蔣允焄 貴陽

通脩

龍溪縣知縣吳宜燮 陽湖

參訂

龍溪縣教諭薛捷官 上杭

龍溪縣訓導丁宣 南平

龍溪縣志卷首姓氏

總編

甲戌進士黃惠 永福

生員李疇 秀水

分訂

丁未進士工部主事王材 邑人

甲戌進士鄭蒲 邑人

戊辰進士崇義縣知縣黃寬 邑人

甲戌進士劉希周 長泰

壬子舉人睢寧縣知縣趙鯤飛 邑人

甲子舉人蔡國香 邑人

戊午舉人邱起佐 海澄

癸酉舉人郭子青 邑人

甲子舉人郭澤 邑人

戊午舉人楊邦憲 邑人

己卯舉人陳存義 邑人

己卯舉人劉鳳山 邑人

己卯舉人林振梅 邑人

庚辰副榜唐耀德 邑人

貢生黃秉義 邑人

校閱

龍溪縣志卷首姓氏

己卯舉人商必達 漳浦

己卯舉人吳狷 南安

龍溪縣志目錄

卷之一

建置沿革

星野

疆域 御都里
街市附

卷之二

山川 形勝

卷之三

規制 城池
倉儲 公署 驛舖

卷之四

龍溪縣志 卷之四 目錄

學校 書院
祖學

坊表

卷之五

賦役 鹽課

卷之六

水利 津梁
附

卷之七

壇廟

卷之八

軍制

卷之九

郵政

卷之十

風俗

卷之十一

古蹟

卷之十二

職官

名宦

卷之十三

龍溪縣志 卷之十三 目錄

卷之十四

選舉

卷之十五

人物

卷之十六

人物

卷之十七

人物

卷之十八

人物

docsriver 文川网
入驻商家 古籍书城

在文川网搜索古籍书城 获取更多电子书

列女

卷之十九

仙釋

物產

卷之二十

詳異附
紀兵

卷之二十一

雜記

卷之二十二

藝文

龍溪縣志

卷之二十三

三

卷之二十三

藝文

卷之二十四

藝文

新增目錄

卷之上

卷之下


俱編刻未定

輿圖

龍溪縣志


輿圖

府城池



龍溪縣志

輿圖




二


縣署

龍溪縣志

輿圖




三



龍溪縣志
輿圖

中



龍溪縣志
輿圖

五

龍溪縣志卷之一

建置沿革

邑自九龍啓瑞始奠提封靈跡肇開易既脫而都會之乃隸閩隸粵屬福屬泉輾轉紛綸歷數朝而靡有定迨唐貞元間移置州治而邑遂爲附郭要

衝爰詳厝注之權輿作編摩之圭臬志建置沿革

龍溪縣禹貢揚州之域周爲七閩地春秋爲越地秦爲

閩中郡地漢爲冶縣及侯官縣地屬會稽郡吳屬建

安郡晉爲同安縣地屬晉安郡隸揚州又隸江州梁

天監中析晉安地置南安郡大同六年九域志作梁天監中今依

龍溪縣志卷之一 建置沿革 一

嘉定析南安郡地置龍溪縣以時有九龍戲於溪因

以名邑仍屬南安郡隋爲建安郡四縣之一隋初改

泉州爲建安郡安南安二郡爲縣大業三年復建安郡隸

唐武德初屬建州六年復屬泉州今屬副聖開屬

武榮州今泉景雲二年改泉州爲閩州改武榮州爲

泉州後府治邑仍屬焉開元二十九年改屬漳州開

三年左即州陳元光疏請建州泉潮時州隸嶺南經

略使天寶元年屬漳浦郡時改漳浦郡還隸福建經畧

使十年又改隸嶺南乾元二年復改漳浦郡爲漳州

上元元年還隸福建興元元年刺史柳少安請移州

治於龍溪未報貞元二年攝州事陳謨請於觀察使盧恭以狀聞始以邑爲州治宋隸威武軍又隸福建路元屬漳州路隸福建行中書省至治中析七都置南勝縣今南明屬漳州府隸福建布政使司隆慶元年析五都置海澄縣

國朝因之

按縣始於梁大同州始於唐嗣聖是置縣在置州之

先矣古縣在十二三都而遷移年代歷志缺不書考

柳少安傳少安爲刺史按部至龍溪顧謂別駕陳謨

曰此縣可建州治大江南旋而東注諸峯北環而回

龍溪縣志卷之一 建置沿革 二

顧且本州屬地也或其時建州於縣境而非建州於

縣治州治建而縣治僉移耶然此乃臆說不足據固

不能無憾於前人編次之疎畧也

星野

連貝散錦天之精也斟酌元氣齊七政平四時使宿離不忒焉則占驗之術為已淺乃唐書天文志載王潮起兵漳州而星亭於斗牛清潭故事占驗亦既有徵是邑雖蕞爾亦元象之所包絡其說固不可得而廢也因折衷羣言而擇其可據者著於篇志星野

龍溪縣其域為揚州其次為星紀其宿為牛其辰為丑其緯星為熒惑

按星紀統斗牛女三星鄭康成周禮註以為吳越分野自是以後言閩分星者或屬斗牛或屬牛女言人殊矣惟魏陳卓云會稽入牛一度吳虞翻云會稽上應牽牛之宿下當少陽之位唐僧一行云牽牛去南河寢遠自豫章迄會稽南逾嶺徼為越分其說尤為天官家之所深躋閩中郡邑乘咸邊之獨漳郡志從里差歲差之法謂龍溪漳浦海澄長泰四縣屬牛六度四分之一南靖平和漳平龍巖寧洋詔安六縣屬女七度七分之二與諸說異考我

朝時憲書牛七度四十一分女十一度三十九分又考鄭宗彙星經每星一度轄地一千四百六里有奇夫

星經雖不足盡信而度則可憑今平和漳平諸邑相去或百里而遙而南靖即龍溪漳浦所分地乃歷牛及女越八度有奇不應若是之遼闊也南靖縣志亦云廣東潮州府牛分野惠州府女分野今地附漳四十七里南漳漳浦西南隣平和皆與潮之饒平大埔為界則星野尚未大抵古法以星察州以星之度察郡邑先儒謂其書已亡郡國所入度非古數

國家用西法亦謂分野不甚足據即以西法考之為度三百六十與古所云周天三百六十五度其不同者一也星紀宮起箕終斗與古所云統斗牛女三星其不同者二也中氣過宮恆星有歲進之差故宮無定宿而宿可以遞居各宮與古用歲差法而宮與星仍不易其不同者三也夫交宮之度積差而變泥古則不合會是區區彈丸地而必於十二次求其宿宿求其度度求其分請以俟世之精甘石之術者

龍溪縣志卷之一 星野 四

星野

星野

疆域附鄉都

邑初建時奄有蘭水緩安之地北接潮南隣泉幅員固甚廣也唐即緩安舊治建州而地始析至元明又屢裂而縮之言疆素者不無今昔之殊焉若乃畫疆而為隅為廂為都分而為圖疆以內比聯伍聯族聯之不相愆負而為保道四通而為街分厘列肆貿遷有無而為市今井里則櫛比也室廬則鱗次也人則袂雲汗雨貨則逆泉積阜也溝封雖改豈不依然一都會哉志疆域

龍溪縣東西廣一百一十里南北袤六十里按此從疆索之縱橫

龍溪縣志卷之一 疆域附鄉都 五

言之若其延袤軒折固不止是東至景莊墓七十五里與泉州府同安縣山邊社分界西至墨場上菰水溝東三十二里與南靖縣溝西分界南至九龍嶺三十里與南靖縣馬坪分界北至梅水坑東二百四十里與漳平縣西分界東南至石碼龍海橋東三十二里與海澄縣橋西分界西南至秀潭十五里與南靖縣徑口分界東北至五里亭三十里與長泰縣古溪分界西北至月嶺舖三十里與南靖縣寨仔後分界又東至同安縣治一百五十里西至南靖縣治四十里南至漳浦縣治一百二十里北至長泰縣治三十七里東北至

省城六百八十里至

京師七千五百二十五里

隅廂都圖係

穴時分六鄉三十三里一百一十五係漳浦開改里為三十都元析七都隸南靖縣明分在城為三隅附郭為三廂在鄉為十五都永樂開省一廂轄一百五十二圖後省為一百四十九圖陸慶開析一二三都至九都屬海澄縣金割二十八都之第五圖屬焉

國朝定制為三隅三廂十都一百二圖一百二十四係

按府志縣舊志俱從十都起十都欲無可考

龍溪縣志卷之一 鄉都 六

東北隅宋左統圖三

西隅宋右統圖二

南隅宋左統圖三

東廂宋城統圖一轄保十日文昌曰元魁曰迎恩曰

東廓曰附鳳曰岳口曰官園曰慈園曰護滿曰田霞

南廂宋城統圖一轄保六日洋老洲曰杉巷曰姜待

日上下沙曰馬惠曰鳳林

西北廂無圖

十一都宋始安鄉統圖十三轄保八日鄧黃高曰方

碩曰王平曰吳真曰鄭周林曰王五倫曰高許林曰

石碼

十二三都 宋始安鄉 惠恩里 統圖八轄保十七曰詩墩曰陳

李倫曰鄭鄭倫曰楊鄭吳曰蔡林王曰蔡美曰林尾

曰馬興曰芋園曰木棉曰任勤曰連任曰顏德貫曰

田西曰唐吉曰馬洲曰六協

二十一都 宋遊仙鄉 瑞泉里 盤樂仁南北二里 統圖十轄保二十三曰

康瑤曰楊松曰張郭李曰謝前塘曰懷安曰南山

曰山尾曰天寶曰北山曰西文曰路邊曰塔尾曰登

坪曰魯符曰山兜曰陳會曰周倫曰陳推曰梅應曰

何方林曰林懷曰林堂曰墨塲

二十二都 宋遊仙鄉 龍州里 統圖五轄保六曰楊龍浦曰黃

柑曰蕭王陳曰陳黃講曰郭坑曰石浦

二十三都 宋遊仙鄉 龍州里 統圖十一轄保十二曰陳宏

曰烏頭門曰磁磁曰蓬州曰洛濱曰杏林曰松洲曰

張奇曰寨坂曰金沙曰銀塘曰沙建

二十五都 宋遊仙鄉 九龍上里 統圖九轄保十一曰浦西曰桃

源曰歸德曰迎富曰昇平曰龍嶺曰宜招曰華身曰

珍山曰大深曰蓬萊大坑

二十六都 宋遊仙鄉 瑞泉東里 統圖七轄保十曰洋尾曰田邊

曰烏石曰茶園曰瑛山曰流崗曰六石曰西洋曰坂

頭曰內林

二十七都 宋永寧鄉 唐化里 統圖九轄保十曰詩浦曰浦頭

曰蔡耀曰陳洲曰蔡潤曰李陽曰蔡吉曰林雲曰關

下曰蔡吳唐

二十八都 宋永寧鄉 海洋上里 統圖九轄保五曰烏礁曰許茂

曰太平曰灣頭曰劉瑞

二十九三十都 宋永寧鄉 海洋下里 統圖十一轄保六曰四望

山曰田禮曰新埭曰洪岱曰石美曰白石 舊志二十九三十都

原統十圖因與同安積善里接壤黃計二姓陸續買

龍溪木異府難以推收附寄一圖名曰外府寄庄因

隔屬植欠里長貽累如縣計元始乃

另立一圖於二十九都十圖之末

龍溪縣志 卷之一 鄉都 街市

街市

府前街 新府路街

衛口街 南市街

西橋街 馬坪街

道口街 海道後街

東坂後街 公府街

東橋街 少司徒街

漁頭廟街 步武街

東舖街 縣口街

西市頭街 開元口街

總爺街

後街

三聖廟街

北橋街

霞井街俱城內

東鋪頭市縣治東

南市縣治南

東街市

南橋市

北聖樓市

龍溪縣志 卷之一 街市

石碼鎮市商賈輻輳舟徒紛集

下灘市俱十都

鳳塘墟今改為田紫俱十二三都

寶墟又有天

月嶺墟

蓮花墟俱二十都

汝浦市府志汝作社今廢俱二十二都

浦西墟

華對市俗名茶硤舊有稅式及子燭捐費置

店仔墟

正氣街

觀口街

北門街

院路街

東門街東

西市縣治後

北橋市縣治北

浦頭市俱東

新橋市俱南

北廟市俱北

福河市

烏雲橋墟

天寶市宋理宗時鄭玠中京元因名京元市

南山墟

壘場墟

郭坑市

浦南墟

龍潭墟俱二十都

入五百餘里人呂

免其稅器人祠祀之

山都墟

塔崙墟

菓亭墟

長市墟今廢

東美市

石美市

新岱市

黃桑墟俱二十都

長橋墟

翰林市俗呼內林今廢俱二十六都

許茂市俱二十都

壺嶼橋市

角尾墟俱二十都

龍溪縣志 卷之一 街市

十

山川

邑無諸之裔境也雖有時流不見於山經水註惟

唐輿地志載九龍一山孫興公所云倒影重溪匿

峰千嶺故事絕於常篇者非耶然以山則神秀以

水則靈長興雲流膏誕英毓俊胥於是乎在故為

詳其崇深並其形勢以作坤維之壯觀云志山川

龍溪負山面海為閩與區天寶作羣鎮之標錦江為衆

流之滙峙則三條流分二派

中條自大庾度汀東行至熊岡嶺又南東經昇平甲子

龍溪縣志卷之二 山川

峯循桃源起為石鰲列為五鳳而其左隆然屹立者

為天寶鎮山由天寶而南排闥十二峯過烏石油車

至望高山下紫芝山結郡治焉

紫芝山在城西北隅龍溪主山也初名登高山明洪武

十三年產紫芝知府徐恭表上賜今名

日華峯以峰得日最先故名

萬松峯古有松關坊其下為道南書院劉愛禮祠

禪月峯舊傳有光如月故名

保福山為郡龍行脉地

康熙二十七年山中為大帥據其宮後復為居民闢

鑿紳士合力填補

隆壽山相傳居其下者多壽考舊在城內元陳友定築

城其上而中分之以上五山俱在紫芝山左

淨安峰登高山右臂也下有淨安寺

騰龍山一名龍亭山又名龍文山平地突起奇石橫

俯瞰溪流相傳有龍騰於溪乃建亭今亭廢上舊有塔後祀

起鳳山一名高亭山又名虎文山與騰龍對峙而差小

宋吳勳作亭讀書其上今廢上有塔明隆慶間知縣李科芳建後祀今山麓

有小塔 以上二山俱在縣學前

望高山在郡城西北一名白塔山明秀聳特表於衆山

龍溪縣志卷之二 山川

天寶山在城西三十里縣治望山也周迴百餘里上有

寶巖洞芙蓉城百丈泉鬼深坑諸勝雨夜常吐光氣

宋時有珠夜飛入九龍江為漁者所得以貢於朝故

名又有雷層鱧魚二寨及四角林元陳友定入漳時

嘗屯聚於此

五鳳山上有峯五峭立雲際又名五峯山

金峯山在二十一都山勢平坦西里許有景青巖延祐

間僧栢庭建林木葱鬱寺刹靜幽道人卓晚春嘗遊

此書小西天三字

銅鉢山在天寶南麓山勢綿亘數里內一峯中窪而外

圓形如鉢

羅漢山在銅鉢山東五代唐天成開王延休憇於此忽聞異香馥郁得一龜背有羅漢像因以名山建寺其上

尼姑山在城西北四里許舊有尼姑寺

馬鞍山在涪滄社自龍山發祖逆水而上至此有石如馬鞍故名

龍山在城北十里北來諸山此其最秀者山下有寺

石鼓山在城北十里山形圓秀

望月山在二十六都秀出羣山之表海月初生先得其

龍溪縣志卷之二 山川

光

鷲峰山在二十六都下有鷲峰寺

儀鳳山在二十三四都高聳明秀為郡龍少祖

新嶺枕天寶之西石磴盤迴十餘里路通安溪龍巖潭

平善設亭障於此舊縣志云疑即蔡公嶺

揭鴻嶺在新嶺西輿地志云即古葵岡嶺所謂東南之

揭是也詳見古蹟

天公山在縣北漫潭上遊上有瀑布飛瀉數十丈圖經

謂天公所居九域志云陰雨時聞簫鼓之聲

高明巖山在寶珠灘絕頂一名高亭巖與花山遙隔三

十里許山高日靜鐘鼓雞犬之聲相聞雲外

石螺山在城北四十里高入雲表頂有黏蟻石相傳昔時海水所浸其下小山纍纍天寶從此發脉

甲子峰在昇平保峻極雲霄常有雲氣覆其上為郡龍之祖凡海舶遠歸恆望此為標準

比條自寧洋馬山逶迤起伏數百里至華對折而東由鷓鴣遞九龍馬岐至玳瑁嶺入長泰界趨而南至扶

搖出鼎山歷東北之天柱山朝天嶺轉而南由仰孟穿虎渡江延為岐山又挺為鶴鳴山又轉而南至鳳

山為鎮門北界又一自天柱東曲折數十里繞出龍

龍溪縣志卷之二 山川

江之背東南至文圖山自文圖而西為岱洲壺與下至青礁白礁與海澄分界

華對嶺高千餘丈壘磴鑿石以梯行人其下為北溪之流怪石嵯峨灘瀨奇險舟楫不通上下皆當逾嶺溪

旁有石狀如龍頭又名龍頭嶺宋楊汝南詩江流如箭路如梯夜泊龍頭烟霧迷兩角孤雲天一握曉光

不覺玉繩低

九龍山在治北三十里唐書輿地志云龍溪隋縣有九龍山其下有九龍水又有金溪水宋陳堯佐詩人生

五馬貴山有九龍滄

馬岐山在二十五都唐陳將軍元光牧馬處按邑馬岐山有三具

一在二十七都一在二十八都

玳瑁山俗呼大帽高百丈盤伏三十餘里龍溪長泰之

交天寶時於西此山列於北為郡城屏幃

天柱山高數百仞綿亘百餘里為龍溪長泰同安三邑

巨鎮

朝天嶺在二十九都溪泰二邑交界處舊為省城孔道

金雞山在東溪口叢石屹立山頂有石如雞展翅而色

赤故名

鼎山在汝浦社其山高如覆鼎絕頂有凹處如鼎

龍溪縣志

卷之二

山川

五

俗呼鼎勝山上有龍泰巖一名巖以在二縣之交故名

錦蓋山高大峭拔頂凹如孟上有田有巖

鄰山一名蓬萊峽是山不生草木有石如人數輩名石

翁明學士黃道周講學於此互見學按古蹟

岐山一名馬岐山在二十七都名山記云岐山與鶴鳴

山聯峙二峯秀從龍江之上延袤十里許中為萬松

嶺山北有瑞竹巖五代僧楚熙居此剝竹引泉竹生

笋因名瑞竹有石禪床傳為楚熙入定處明林鈺陳

天定讀書其中鈺築介石雲窠天定鑿山通道門徑

幽絕懸崖之上鐫海日江春四字其背有聚奎巖亦

楚熙所闢巖有石如龜初名瑞龜巖宋陳格讀書於

巖之龍會洞因更名聚奎 國朝康熙元年僧順熙

重脩中有石如室可坐百人泉出其中清冷可愛近

僧復於巖邊再開一洞聚奎巖隔峯為青雲巖樹木

陰翳有鐵樹相傳唐宋時植聚奎巖之背為石室巖

中有破室皆巨石為之明僧樵雲講經於此明方外志瑞竹

稱石室巖此岐山之下有照蓮巖與雲洞仙亭瑞竹

為石室巖云按名勝志云岐山有巖

聚奎青雲石室稱為外七首白巖上覆全石下約而

平山華照之洞然虛白故名中有一人泉又有千人洞其上有

石曰掛練石舊志

不載附見於此

龍溪縣志

卷之二

山川

六

好景山自岐山分脈多奇勝中有風動石

鶴鳴山在岐山南一名石壁山隋開皇時有潘翁者養

鶴其中又名鶴峯山之陽有雲洞中有石室深廣丈

餘天將雨則雲出霽則雲歸明蔡烈讀易於此又有

誦經石石斜疊色如銀擊之有聲學士豐熙記畧云

洞攬兩巨石夾起如觀左刻振衣所舊刻也逶迤陟

磴上石益巨大刻雲洞者二一為周方伯瑛書一為

林考功達書行數百武入石門中書室三楹小而雅

潔峭壁刻朱晦翁書溪山第一予題曰霞窩左洞橫

廣數椽懸石如倒鐘者如蓋者如蓮房者左右皆遍

大南豁咫尺樹映之繁琴臺直豁處月午光正入因
名月峽東壁下泉出甚冽張郡守鵬題曰寒泉又東
入石門得洞三穹石起門外若樹塞者西嚮曰元巖
北洞有井竈故蹟相傳昔異僧居之南洞合兩石隙
起若中雷名觀瀾牖外盤石鑿曲鈎引泉以西架渠
穿石罅至霞窩甃石池貯之南下磴危峻張郡守題
萬玉宇漸移而下東得平石廣方數丈曰鳳臺上視
峰頂崛起參天曰天柱又下三筍卓立曰台屏又下
一洞稍廣平蓋外刻晦翁書石室清隱四字有泉可
傳觴歷雲依巖稍上石益密且巨有洞可容千人歷

龍溪縣志 卷之二 山川

七

洞石磴上百步得堂俯視霞窩峭壁如圭植於前右
上有巨石面方廣三尋許架絕壑題曰仙梁回陟至
二石並立若朋字余題曰得朋行穿一洞轉而南視
後直霞窩北轉近巔一峯獨聳即天柱也欲刻無置
足處稍北一石虛出絕壑撼之即動剛風至亦然題
風動二字北歷峻級而下至天開圖畫亭前視洞峯
如神物天行鸞飛鶴立龍騰馬躍不足名狀云山之
陰為仙亭巖宋僧從謙遇仙處詳見仙釋祭酒劉植建仙
亭其上尚書顏頤仲建巖其下巖中有瑤臺一石覆
之其文漫滅可識者保大與許碣尋偃月子九字而

已名勝志許碣自稱高陽人由荆襄抵江漢武安
已無不追歷到處皆於石崖人不能及處題曰許
碣自號嶺山尋偃月

鳳山在鶴鳴山南山形如飛鳳展翅故名

岐山在二十八都中有巖幽邃絕塵明陳天定讀書於

此

坡尾山一名定山陳布衣真晟定居於此江東樞東石

四字對人恭為
布衣孫陳伯時題

樞山一名棧山上有望軍石

白石山多產白石一名鶴石有巨人跡石磴可容千人

覆舟山以形名下有石美城

龍溪縣志 卷之二 山川

八

壺巖山在海濱平原挺峙高十餘仞多木石南麓有石

龜石魚因以名球

南條自南靖雙溪口來至西天山北趨為圓山琵琶坂

南趨為大帽歷石獅巖至南山為郡治前案自大帽

東行歷九龍嶺至名第山北分為白雲巖東下為象

山繞文山北為鎮門南界名第之東分為鳧翠為坂

頭過嶽嶺至祖山頭與海澄分界

圓山在城西南十里前後望有十二面如覆釜然上有

石池噴臺每雲氣覆之天必雨

石獅巖山在城南七里一名南巖山一名七首巖山嶺

docsriver 文川网
入驻商家 古籍书城

在文川网搜索古籍书城 获取更多电子书

蒙名山記峯巒奇秀延袤數里上多怪石有若獅子者若蟾蜍者有可梯者有如門者狀類不一有半月池羅漢峯超然亭寶月巖南泉巖及圓明石門龍泉妙峯玉泉五庵今古蹟多廢其存者見於後有巖七曰虎砮中有石砮前有伏虎亭相傳唐無隱禪師講經於此虎踞石聽法或入市騎以行買肉飼之石上刻石獅巖三字有泉出石上刻止泓二字有放生池旁有巨石平削端好宋刻薛公橋三字旁有記則郡南龍津記勒於此山者也明李材以脩身為本四大字刻之又有石刻停聽處三字漳鎮馬負書刻大觀二字前有虎拜石調猿石無隱塔曰石獅接虎砮有石門刻石獅巖三字李見羅書有石橋有宿雲洞曰羅漢山前有石時間異香刻羅漢峯三字郡人黃道周額曰南巖第一後巖廢乾隆元年重建仍舊額中有觀音閣超然閣懷德樓敬善堂捧日亭曰普陀有石如屏刻普陀像常見豪光曰玉泉泉自石出狀如噴玉故名石刻合暉二字有流玉亭曰紫雲巖與虎砮隔一峯宋僧雪菴建嘗有紫雲覆其上曰日照初名寂照與虎砮諸巖同山而日照則轉而西向此舊志所云內七首也石獅巖之右有萬石巖不知建於何時明里人

龍溪縣志 卷之二 山川 九

張熒開山得之中一洞多蝙蝠曰蝙蝠洞又有廉泉洞石航洞大隱屏層霞洞小隱石隱皆具今廢梅花樓諸勝今廢下又有吳山巖今廢南山郡案山也在城南門外其陰有寺其側土皆赤名丹霞巖

九龍嶺距城南三十里兩山夾峙中石礎約十里許路通潮廣其北而近治者為太平嶺以道坦夷故得名第山在十一都初名天城山以唐周巨物讀書於此改今名又以巨物與兄巨業俱登第故又名同第舊志分載山形如翠幄其西有烏石巖

龍溪縣志 卷之二 山川 十

東山在城南十五里俗呼紗帽山圓淨秀特白雲山在十二三都上有巖唐虔誠禪師卓錫處有卓錫泉舊傳朱子嘗過此講誠意章又有與造物遊四字及門帖句云日月每從肩上過江山常在掌中看皆朱子手書也郡人黃道周八分書白雲深處中有百草亭意果園何有石諸勝後亭圯 國朝乾隆十四年巡道單德謨重建巖舊祀朱子今廢

水頭山在文山西舊府志稱與文山鳳山鶴鳴山為水口四獸府志辨其非謂西溪水口在鎮門東以屏山象山北溪亦口在江東南兩旁有石龜石蛇若石壁文鳳諸山去水口遠矣

文山一名惠在十一都初名砥柱後建觀音院名觀音

山一統志作觀音巖朱子守漳喜其山水明秀改今名北臨

大溪三面通潮與鳳山對峙

龍潭山在縣東南二十五里有龍潭飛泉百尺直瀉而下潭前有龍祠鄉人禱雨多應

鳧翠山雙峰如削高出龍潭之上一名魚刺山又名朝

天鯉魚麓有玉石巖南有玉泉巖十一都最勝處

礮尖山內有石洞可容萬人明季鄉人多避亂於此

西溪北源自禾溪永豐南源自銅壺小溪至南靖台流

而繞於郡城為南河過詩浦達三叉河與北溪會

三台洲在縣城南南橋巨馬溪浮三洲其象如魚又名

龍溪縣志卷之二山川十一

三鯉魚洲

方壺洲在三台洲下水勢微折而南故又東以文昌

之橋西望員橋因名方壺

詩浦在方壺洲下流從此曲而抱城乃東過浦頭出文

山而合流於北溪今溪沙壑塞繞城之水甚微

田裡港分詩浦溪上流之水匯出陳洲入於大溪舊港絕少

為餘流自戊申以後洪水崩岸沿道而下而詩浦繞

城之水反壅不流康熙四十六年郡人藍理築岸五

十六年水衝岸復崩而溪流不復循故道矣

北溪東源出於安溪西源出於延汀合寧嚴平之水下

華對歷漫潭至香洲渡會長泰之水出兩峽過柳營

江達三叉河與四溪會

華對溪上通大深水激石齒舟不可行中有白湖灘二

洪筒頭三花虎頭諸險寶珠石在焉高大丈餘中有

穴徑寸舊傳漁人所貢之珠飛入其穴

鯉魚灘在華對下流諺云上了鯉魚灘方得客心安

寶珠灘一名大瀨上有石深高丈餘傾瀉潭中發泡有

聲春夏水大聲微秋冬水小聲鉅夜聞如漏鼓聲故

又名更鼓水宋邱韻獲珠於此亦有寶珠石

龍潭一名漫潭兩山如壁十餘里潭水深緩不流梁九

龍巖處也其上流大小灘三十六

龍溪縣志卷之二山川十二

蓬洲宋陳北溪故里也其隔江相對者為蓬萊為香洲

長泰之水出焉

綠洲溪中浮洲也洲頭曰潮口蓋海潮逆入至此而止

東支為黃石潭長泰舟行出水處

蓬萊峽在柳營上流上抵龍潭五十里

柳營江去城四十里虎渡橋巨馬詳見古蹟

三叉河會西北二溪之水下達福河通錦江諸流經白

石青礁石美東與中南二港合納南溪浮宮之水入

於海

福河上接三叉河之水達於錦江